

台州文獻叢書

上海古籍出版社

喻長霖等 編纂

台州府志

長霖

八

卷九一至卷一〇四

台州府志卷九十一

金石攷七

明二

重修紫陽仙壇化身處碑

右碑在天台縣百步嶺高八尺五寸廣三尺四寸額篆書重修紫陽題詩碑記八字字徑四寸五分七絕一首連題四行詩前二行十二字末行四字款及年月四行台州府推官長洲張滂立隆慶元年五月案康熙志張滂直隸舉人嘉靖四十四年至今碑自署長洲則舊志誤也

張滂明巖詩摩崖

右摩崖高二尺二寸廣稱之字徑二寸羸縮在天台明巖蟾巖上凡七絕一首分四行行一句漫漶不可辨可辨者第一行首五字曰豐干和尚歸二行六字曰太守重游石竇三行下三字半曰仙真隱跡末行首一滿字末一寒字款張滂二字尙存

王鈴松巖山題名

金石攷七

上海游民習勤所承印

古少月記

右題名高廣未測在黃巖縣伏虎巖石壁上正書四行行八字曰大明隆慶二年□月九疑王鈴南石彭□□素葛冲石芝董□□陳敬同登立石黃巖新志著錄

耕雨葉公墓田碑記

右碑高七尺一寸六分廣三尺二寸七分篆額八字與題同碑二十一行行五十四字在太平縣曹溪葉耕雨墓庵中題賜進士第承務郎南京刑部河南清吏司署郎中主事從曾孫良佩撰文賜進士出身承直郎禮部主客清吏司主事同郡陳錫篆額鄉進士文林郎知江西南康府都昌致政同里林兆貴書丹末署隆慶己巳案耕雨名宗祭有墓碣已見前此記增設祭田始末碑末一截卽記祭田畝數太平續志失訪

南峯書院碑記

右碑高廣未測額篆書重建南峯書院碑記八字平列碑十八行行四十九字在黃巖縣寧溪題中憲大夫南雄府知府致仕進階一級族孫宏篆額族孫治書丹末署隆慶四年庚午夏六月賜進士第奉政大夫山東提刑按察司僉事前南京工部營繕司郎中族孫鈴頓首撰文黃巖新志著錄記稱有宋遺臣知高郵軍南峯先生諱所登咸淳進士元將代宋棄官

隱居故里築書院於南山之麓講學授徒終其身先生沒世久中更式微書院浸廢至今子姓阜繁詩禮輩興相與貿地於新桂街之北建堂祠先生仍舊名曰南峯書院始於嘉靖辛亥至丙辰乃竣云云案所字喻叔南峯其號也黃巖人事蹟具人物傳宏附見其父爌傳治附見其父鈴傳

諭祭趙尙書文

右碑隆慶四年庚午遣官諭祭南京兵部尙書參贊機務趙大佑之文也篆額聖恩諭祭四字分二行碑十六行行連擡頭三十九字祭文九行又下葬祭文二行祭品三行在太平縣馬嘴山趙尙書墳前太平續志著錄

東湖樵夫祠碑記

右碑高七尺六寸廣三尺七寸額篆書東湖樵夫祠碑記七字橫列字徑六寸碑正書二十三行行四十八字字徑一寸在臨海縣東湖樵夫祠記稱是歲二月侍御虬峯謝公行部至台臨海令周侯以樵夫祠請謝公白于郡守番禺張君爰卽東湖中小亭改建爲祠謝公諱廷傑新建人周侯諱思稷麻城人云云末署隆慶六年歲在壬申夏五月賜進士出身嘉議

大夫大理寺卿前都察院右僉都御史奉勅提督軍務巡撫福建地方郡人何寬撰文無篆額書丹人姓名案康熙志載是文字句間有異何寬臨海人事蹟具人物傳周思稷張廷臣俱見名宦錄

桐柏宮移祀夷齊像記

右碑高一尺五寸廣三尺六寸行書二十九行行十四字字徑八分在天台縣桐柏山清聖祠末署隆慶六年五月前進士番禺張廷臣撰蓋廷臣守台命天台令方惟一修祠移像因爲之記記稱攷赤城舊志載夷齊沒爲九天僕射治天台山宋紹興間建祠於此今案赤城志並無是說天台方外志云道書稱二子死爲九天僕射治桐柏山由今桐柏觀有二石像或云王靈寶請之徽宗宮中然無所据康熙志云道書稱二子爲九天僕射宋黃煉師因建九天僕射祠是此說出於道書非赤城志也惟是碑至今猶存而方外志成於萬歷辛丑去立碑時僅二十九年而云碑與文俱亡殊不可解

郡侯番禺張公重建文昌祠碑記

右碑高七尺七寸五分廣三尺四寸額篆書三台文昌祠記六字分三行直徑五寸橫六寸

五分正書微行十五行行四十一字字徑一寸二分記稱祠舊在巾子山之南歲久廢毀郡人請於郡侯張公捐俸改祠於其巔因以頌公政績隆慶六年九月立石結銜稱賜進士出身特旨存問進階柱國刑部尙書吏部左侍郎都察院副都御史八十六叟容庵應大猷撰無篆額書丹人名末有生員姓名四行行六人字徑七分今臥祠後草莽中案是文容庵集中不載或繇代作

贈工部尙書南渠王公神道碑

右王爌神道碑高廣未測篆額已失凡三十五行行八十字題賜進士出身

中

提督學校臨

海金賁亨撰文賜進士第資政大夫南京兵部尙書參贊機務前南京刑部尙書都察院掌院事右都御史甥孫趙大佑篆額賜進士第奉政大夫山東按察司僉事兼防海右兵備道南京工部營繕清吏司郎中在告從孫鈴書丹案碑所記事實甚詳惟劾武定侯郭勛一事明史本傳載之而碑反遺殊不可解碑後半已漶年月不可攷約在隆慶時黃巖新志著錄志稱爌墓在南鄉冠山而碑在南城學前巷臥荒基中頗以爲疑今案學前巷爲王氏故居碑蓋刻成而未立故在故居光緒庚子舟瑤主講九峯書院擬刻碑記有人以舊石來售視

之卽是碑因不敢磨刻爲陷諸院壁金賁亨臨海人事蹟具人物傳惟是文一所集不載蓋在代作

明光祿寺署丞蓮岡王君墓表

右墓表高廣未測額篆書明光祿寺署丞蓮岡王君墓表十二字分六行碑正書二十二行行連擡寫五十一字在黃巖縣小南門外關帝廟後撰文人結銜題進士出身

翰林院學士堂詹事府

國子監祭酒春坊

太子左

國史纂修

篆額人題賜進士兩朝存問榮祿大夫

何人書丹人題進士出身中憲大夫廣東廣州府知府前工部郎中同郡包應麟文已漫漶

不可讀案黃巖舊志例貢中有王欽字希典弼之孫官光祿署丞王氏譜作字子典號蓮岡

卒於隆慶六年卽其人也黃巖新志失訪是碑委棄道旁爲人損壞余爲移陷九峯書院齋

壁

范節婦宅神篆

右范節婦宅神篆二字平列前一字徑一尺九寸第二字徑一尺六寸前有戴興賓識語三

行後有保長李某等呈詞十一行正書三十七字字徑七分案節婦姓張氏臨海范燮妻也
事蹟具列女傳舊志稱萬歷元年七月初十日節婦見舍閒石上有光旋繞如字鄰里入視
以爲天篆左手成書宛似登節二字衆共詫異具報府縣邑士戴興賓爲摹刻於石或以爲
齊節二字云云後人取陷節婦祠壁咸豐末祠燬於寇石遂自裂今藏臨海張孔修家
明通議大夫刑部右侍郎東瀛王公神道碑

右王啓神道碑高四尺七寸廣二尺九寸額篆書刑部右侍郎東瀛王公神道碑十二字分
四行字徑二寸五分碑二十一行行連擡頭六十一字正書徑五寸題賜進士第奉政大夫
山東按察司僉事在告進階一級同宗晚生王鈴篆額末署通議大夫禮部左侍郎前詹事
府詹事兼翰林院侍講學士同修國史經筵講官同邑黃綰拜撰無書丹人名及年月据明
史黃綰傳嘉靖十二年拜禮部左侍郎尋以母憂歸十八年起爲禮部尙書儒林錄言綰於
嘉靖十四年丁憂今是碑結銜稱禮部左侍郎是當在丁憂以前王啓卒於嘉靖十三年十
一月文蓋作於是年或次年也惟王鈴所撰東瀛神道碑題萬歷二年而此碑書法同一筆
致或文成於嘉靖時至萬歷初始上石耶本在黃巖柏山墓前今存雅林王氏宗祠黃巖新

志失訪

明通議大夫刑部右侍郎東瀛王公追贈祭葬神道碑

右碑高五尺一寸廣二尺九寸額篆書御賜東瀛王公祭葬碑九字分三行字徑三寸碑二十一行行連擡頭五六字題賜進士第資政大夫刑部尙書前南京都察院右都御史太平方厓趙大佑篆額末署萬歷二年孟秋賜進士第奉政大夫山東按察司兵備海右僉事前南京工部營繕司郎中奏勅提督長江蘆洲在告進階一級鄉晚生同宗王鈴拜撰無書丹人名氏文稱王公既沒踰三十年天子俞諍臣吳時來之清詔復其官追賜祭葬鈴忝鄉後進執役墓所既竣載筆於其墓前之石云云餘與黃綰所撰神道碑事蹟多同舊府志王啓傳隆慶初褒恤舊臣復錫祭葬案啓以嘉靖十三年卒至隆慶初故有三十餘年而碑署萬歷二年是追贈後數年始立也舊在柏山墓前今存雅林王氏宗祠黃巖新志失訪

明誥封夫人趙氏墓表

右秦鳴雷妻趙氏墓表高九尺廣四尺額篆書明誥封夫人趙氏墓表九字平列字徑四寸碑正書二十七行行七十五字字徑一寸在臨海縣東鄉大道地寥園題賜進士光祿大夫

柱國少傅兼太子太傅禮部尙書武英殿大學士制誥會典總裁餘姚呂本撰賜同進士出身資政大夫南京工部尙書前兵部尙書兼都察院右都御史奉勅巡撫雲南贊理軍務新昌呂若洵書丹賜進士及第資政大夫南京吏部尙書兼翰林院學士國史副總裁經筵日講官新昌潘晟篆無年月案文稱以萬歷丁丑十二月葬碑當立於是時

袁應祺遊嵩巖詩刻

右詩刻高廣未測序四行行二十字五律二首六行行二十一字題一行遊嵩巖詩二首六字年月及題名二行曰萬歷五年丁丑秋仲月賜進士第文林郎知黃巖縣事廣陵袁應祺文毅甫題凡十三行在黃巖西鄉嵩巖寺黃巖新志著錄案袁應祺揚州興化人詳名宦錄天台縣南改溪碑記

右碑高八尺二寸廣四尺三寸額篆書天台縣南改溪碑記八字平列字徑六寸碑正書二十五行行六十一字字徑一寸一分諸生題名四行字徑四分在天台縣學宮記稱南溪注北形類反弓囓城址而衝巒舍風氣不完緣是人文衰墜萬歷丁丑邑侯崇安岳如厚築隄障塞俾水從故道庠士立碑以頌其功云云蓋亦惑於形家言者末署萬歷六年歲在戊寅

冬十二月賜進士出身資善大夫南京刑部尙書前工部左侍郎侍經筵兩京都察院右副都御史奉勅巡撫福建提督操江臨海何寬撰賜進士及第資善大夫南京禮部尙書前吏部左侍郎兼翰林院學士掌詹事府事兩京國子祭酒春坊太子左諭德會典國史纂修官臨海秦鳴雷書賜進士出身通議大夫刑部左侍郎兼都察院右僉都御史前奉勅總督漕運督軍務巡撫鳳陽等處臨海王宗沐篆案何寬秦鳴雷王宗沐三人俱詳人物傳

臨海王氏祠堂記

右碑高八尺三寸廣三尺五寸額篆書臨海王氏祠堂碑記八字字徑四寸二分分行碑行書二十八行行連擡頭五十字字徑一寸二分在府城西墅王氏祠堂蓋王宗沐移其母佐葬金三百以建先祠更建義倉峙粟以薦疏屬之不給建塾延師以誨子弟之貧不能學者而命門人張位爲之記位字明成新建人明史有傳是碑結銜題賜進士出身南京國子監司業前翰林院侍讀纂修兩朝實錄國史經筵日講官無篆額書丹人名氏末署萬歷六年十四代孫宗沐立石

普福寺鐘款

右鐘在黃巖縣東鄉埠頭堂高厚團徑未測上截有文六行凡四十五字似偈下截捨錢人題名五行募鑄人題名及年月四行凡一百八字曰黃巖東南埠頭普福禪院復興沙門明寂徒弟眞表等募建大明萬歷庚辰五月吉旦立黃巖新志著錄

聖水寺重鑄鐘銘

粵惟聖水蕪穢勿治豺狼荆棘曰叢以肆斬新日月特地乾坤伊誰之力性海沙門聞思修入爰虛爾中寂爾形永爾聲以覺昏冥

恆安山主人乙洞葉涵譔

一洞內室陳氏偕厥嗣葉宋婦邱氏家孫世恆捨銅十六斤

遺安二斤四洞應美二斤

但海祖居太平南鑑

俗姓高氏垂髫學於聖水僅三載而歸數夢爲僧於此山嘉靖壬子倭寇跳梁民勿寧居始避茲寺剃髮事禪延訪高宿共究無生以逐宿願于時殿宇圯頽鐘廢於倭維新之念屢勤不憚勤不充蚤夜劬勞率衆修理泥大殿置山門鐘樓兩廊禪堂化局講演法華報四恩資三有同登淨土云萬歷九年正月吉旦住持信海記
賜進士第知黃巖縣事廣陵袁應祺捐俸助

右鐘在黃巖聖水寺高四尺四寸厚一寸一分上圍八尺口圍一丈徑三尺二寸半禿頂螳脚龍紐銘文五行行十二字惟末行二字又譌人名氏一行記十一行年月一行凡三百六十七字又番字三十七捐田姓氏尤多惟袁令二行字樣稍大黃巖新志著錄

明故進賢縣典史贈資政大夫南京吏部尙書北江何公神道碑銘

右何從良神道碑高一丈一尺八寸廣三尺七寸五分額篆書贈南京吏部尙書何公神道碑十二字字徑四寸碑正書二十三行行七十三字字徑一寸二分在臨海縣東蔡嶺題賜進士及第特進光祿大夫柱國少師兼太子太師吏部尙書建極殿大學士知制誥知經筵事國史總裁致仕華亭徐階撰文賜進士出身資善大夫南京工部尙書前工部左右侍郎奉敕提督軍務巡撫江西等處地方都察院右副都御史姑蘇楊成篆賜進士出身承德郎禮部祠祭清吏司主事邑人陳錫書案從良臨海人何寵何寬之父其卒在嘉靖丙寅而碑立於萬歷壬午距卒十有七年矣徐階明史有傳陳錫臨海人詳人物傳

邑侯毗陵王公德政碑

右碑太平士民爲其縣令王國賓所立也高四尺五寸廣三尺許額篆書邑侯王公德政碑

七字橫列文十三行行四十三字字徑八分題及年月各一行題名三行在太平袁公祠撰人銜名二行題萬歷十年壬午孟夏賜進士及第資政大夫南京禮部尙書前吏部左侍郎兼翰林院學士掌詹事府事兩京國子祭酒春坊太子左諭德總校大典國史館纂修官臨海秦鳴雷撰無篆額書丹人名氏案國寶武進人舊志無傳今据是碑補入名宦錄

南峯書院鼎

右鼎在黃巖縣寧溪南峯書院有文十七橫勒鼎腹曰大明萬歷十年季冬立春日九代孫還宗立黃巖新志著錄

明故處士東軒陳君墓誌銘

右誌銘在黃巖下保象鼻山高廣未測篆蓋已佚文亦多漶滅行數字數不可計撰書名氏列年月後題^{上缺}大夫福建按察司僉事顧榮撰^{上缺}河東鹽運副使同邑余尙則書并篆額萬

歷^{上缺}年歲^{上缺}月吉日立誌稱處士諱則忱字順充曾大父諱龍孫大父諱啓父諱榮又稱其義行言宣德乙卯里之南山有猛虎噬行路者處士出金募勇士擒虎云云案則忱之父榮黃淮爲銘其墓其誌銘已著錄据是誌所稱是亦仍世好義者余尙則黃巖人詳

人物傳惟尙則乃洪武九年選貢而則忱卒於正統乙丑其時卽尙則尙存亦必年近九旬未必能書且何遲至萬歷時始立石殊爲可疑

江溪釣磯石刻

右江溪釣磯四字橫列銘文六句款署萬歷癸未歲齊雲山人吳英師爲鄰洲林翁書男元崇紀石分五行行十字在太平縣北門外林氏宗祠太平續志著錄

重修東湖記

右碑高八尺一寸廣四尺額篆書重修東湖記五字平列字徑五寸碑正書三十一行連擡寫行六十一字字徑一寸在東湖書院題賜進士及第資政大夫南京禮部尙書前吏部左侍郎兼翰林院學士掌詹事府事總校大典兩京國子祭酒春坊太子左諭德會典國史纂修官邑人秦鳴雷撰賜進士出身資政大夫南京吏部尙書前工部左右侍郎大理寺卿奉勅提督操江巡撫福建兩京都察院右副僉都御史邑人何寬書丹賜進士出身通議大夫工部左侍郎前奉勅提督福建四川學校副使邑人金立敬篆額案碑記巡按御史江陰范鳴謙命台守晉江張會宗臨海令臨川周孔教重修東湖之役康熙府縣志載此記間有不

同如按志臨海志作案宋喟然曰臨海志作喟然嘆曰亦可限帶府縣志作亦有襟抱虧疏
府縣志作虧流扞寇偷縣志作扞寇踰府志作扞寇盜主維臨海志作經維以垂永永府縣
志作永久維之上下府縣志作維以皆當以碑爲是碑立於萬歷十二年冬十二月
頒賜萬年寺藏經勅諭并序讚

右碑高一丈七分廣四尺五寸額聖諭二字正書徑六寸碑分三列每列高二尺一寸上列
聖諭十五行連擡寫行十三字字徑一寸二分紀年曰萬歷十四年九月四日中列題署御
製聖母印施佛藏經序三十一行行二十字字徑九分紀年同下列題署聖母印施佛藏經
讚有序少師兼太子太師吏部尙書中極殿大學士臣申時行等奉勅撰三十六行行二十
六字字徑六分並正書在天台山萬年寺末署台州府知府臣楊道會天台縣知縣臣毛鶴
騰欽賜紫衣住持臣僧明照重立石案申時行字汝默長洲人明史有傳楊道會字惟宗晉
江人詳名宦錄毛鶴騰博羅人詳職官表

四民喜雨碑記

右碑高四尺七寸廣二尺七寸篆額與題同六字平列文連題年月十六行行四十三字字